

皇
清
經
解

金

清

經

解

皇清經解卷四百零五

學海堂

尚書後案

吳王光祿鳴盛著

虞夏書

皋陶謨

曰若稽古皋陶曰允迪厥德謨明弼諧

鄭曰皋陶下屬爲句

尚書疏

傳曰順攷古道以言迪蹈厥其也

其古人也人君當信蹈行古人之德謀廣聰明以輔諧其政

案曰鄭以皋陶下屬爲句者鄭于前篇解稽古爲同天堯德

則然皋陶人臣不可以同天言之則此經稽古不得與皋陶

連讀也曰若稽古四字想典謨諸篇皆有之其實同天者惟

堯餘篇相承用爲標首有文無義故逸周書武穆解亦以四

字發端又周頌譜疏引中候穰雜貳有曰若稽古周公旦亦此之類古史文義蹇拙難以意量也白虎通聖人篇云何以言皋陶聖人以目篇曰若稽古皋陶此讀則與鄭異其義非也皋陶古皆作咎繇見說文卷三上言部所引虞書今本乃晉人改也傳以謨為謀者言部及爾雅釋詁文也

禹曰兪如何皋陶曰都慎厥身修思永

釋文曰身修絕句

傳曰慎修其身思為長久之道

惇敘九族庶民勵翼邇可遠在茲

釋文曰惇切韻都昆反○案曰說文無勵字古作厲

鄭曰敘次序也庶眾也厲作也序九族而親之以眾賢明作

輔翼之臣此政由近可以及遠也

尚書疏○史記二卷夏本紀裴駟集解○三國志三

十二卷蜀先主傳裴松之注○文選五十九卷沈休文安陸昭王碑李善注

王曰以眾賢明為砥

礪爲羽翼

尚書疏

傳曰慎修其身厚次敘九族則衆庶皆明其

教而自勉勵翼戴上命近可推而遠者在此道

案曰鄭云敘次序也者邵璞釋詁注云敘謂次序是也又云庶衆也屬作也者皆釋詁文也王云砥礪疑非也

禹拜昌言曰兪

傳曰以皋陶言爲當故拜受而然之

皋陶曰都在知人在安民

傳曰歎修身親親之道在知人所信任在能安民

禹曰吁咸若時惟帝其難之知人則官能官人安民則惠黎民懷之能哲而惠何憂乎驪兜何遷乎有苗何畏乎巧言令色孔壬

鄭曰禹爲父隱故言不及鯀也

尚書疏作馬注○史記夏本紀集解作鄭注

傳曰

帝堯亦以知人安民爲難哲智也無所不知故能官人惠愛也愛則民歸之佞人亂真堯憂其敗政故流放之孔甚也巧言靜言庸違令色象恭滔天禹言有苗驩兜之徒甚佞如此堯畏其亂政故遷放之

案曰鄭云禹爲父隱故言不及鯀也者此經言驩兜有苗四凶已舉其二又言巧言令色孔壬孔傳以巧言爲靜言庸違令色爲象恭滔天則是共工之行也又訓孔爲甚則孔壬卽甚佞皆是陰險柔惡正類共工若鯀之方命圯族乃是剛強之惡楚辭亦言鯀悻直以亾身不與巧言令色孔壬相似然則禹于四凶舉其三獨不及鯀故鄭以爲子爲父隱也知孔

王卽甚佞者莊十有七季經鄭瞻自齊逃來公羊傳云何以

書書甚佞也曰佞人來矣佞人來矣余正釋言云孔甚也釋

詁云王佞也然則孔王卽甚佞也佞讀爲季

天王殺其弟季夫左傳作佞夫

故國語與人誦曰佞之見佞果喪其田佞與田協故讀爲季

季讀爲王

說文邛从邑季聲讀若寧又季从禾干聲干與季同音

田讀爲陳故甚佞謂

之孔王

俗人疑孔王之說遂以爲其工名其妄如此王逸天問注云康回其工名亦誤

齊田謂之齊

陳旣同物又同音此古訓也

皋陶曰都亦行有九德亦言其人有德乃言曰載采采

傳曰人性行有九德以考察真偽則可知載行采事也稱其

人有德必言其所行某事某事以爲驗

禹曰何皋陶曰寬而栗柔而立愿而恭亂而敬擾而毅直而温

簡而廉剛而塞彊而義

釋文曰擾而小反徐音饒

鄭曰寬謂度量寬宏柔謂性行和柔擾謂事理擾順三者相

類卽洪範云柔克也愿謂容貌恭正亂謂剛柔治理直謂身

行正直三者相類卽洪範云正直也簡謂器量凝簡剛謂事

理剛斷強謂性行堅強三者相類卽洪範云剛克而九德之

次從寬而至剛也惟擾而毅在愿亂之下耳其洪範三德先

人事而後天地擾馴也致果曰毅凡人之性有異有其上者

不必有下有其下者不必有上下相協乃成其德

尙書疏○三國

志四十三卷蜀志注

傳曰注寬宏而能莊栗和柔而能立事慤愿而恭

恪亂治也有治而能謹敬擾順也致果爲毅行正直而氣溫

和性簡大而有廉隅剛斷而實塞無所屈撓勅必合義疏曰

亂治釋詁文周禮太宰以擾萬民鄭云擾猶馴也司徒云安
擾邦國鄭云擾亦安也致果爲毅宣二年左傳文

案曰鄭云擾謂擾順又云擾馴也者疏引太宰注是也夏本
紀劉累學擾龍應劭曰擾音柔馴也能順養得其嗜慾又張
揖廣雅云馴擾也然則擾爲順又爲馴也夏本紀亦載此經
之文徐廣曰擾一作柔攷玉篇云擾馴也尙書擾而毅如此
然則此字本作擾因隸變通作擾而擾本音柔說文云擾牛
柔謹也从牛𤝵聲又云𤝵玉也从玉𤝵聲讀若柔管子地員
云其木宜擾桑擾桑柔桑也故應劭以擾龍之擾音柔而徐
廣于此擾字亦云擾一作柔也今人讀爲而小反非也鄭又
以此經分配洪範又用三德每取此三德配彼一德三三而

九而又言九德之次云云者彼三德一曰正直二曰剛克三曰柔克禘卦傳云乾剛坤柔則剛是天德柔是地德正直是人事禹箕所演三德先人事後天地而皋陶言九德則從柔而至剛二者理是一而序次不必同也若然既寬柔擾配柔克愿亂直配正直簡剛強配剛克則擾當在寬柔下今乃在愿亂下故鄭解之以爲皋陶隨便言之也鄭又以此經屢言而每德必以一德輔成故言人性有上不必有下上下相協乃成德以釋經而字之意也傳以廉爲廉隅者馬論語注云廉有廉隅儒行云砥厲廉隅是也鄭禮記注引廉作辨有廉隅卽有分辨之意但不知鄭何所從也傳又以塞爲實者塞本作窳說文卷十下心部塞實也从心塞省聲卽引虞書剛

而寒以證是也毛詩秉心寒淵箋寒充實也又王猶允寒箋
守信自實滿冀缺以陽處父剛而不實知其不免剛健篤實
斯為美也隸變寒字廢不用故尚書毛詩與後漢邳壽第五
倫陳寵等傳凡寒字皆改為塞也

彰厥有常吉哉

鄭曰人能明其德所行使有常則成善人矣

尚書疏

王曰明其

有常則善言有德當有恆也

尚書疏

傳曰彰明吉善也明九德

之常以擇人而官之則政之善

案曰鄭以吉為善者說文卷二上口部義王孔同也

日宣三德夙夜浚明有家日嚴祇敬六德亮采有邦

釋文曰嚴馬徐魚檢

反

鄭曰三德六德皆亂而敬以下之文

尚書疏○林之奇馬曰尚書全解五卷

浚大也亮信采事也

釋文○史記夏本紀集解○文選二傳十卷顏延季皇太子釋奠會詩注

曰三德九德之中有其三宣布夙早浚須也卿大夫稱家言能日日布行三德早夜思之須明行之可以為卿大夫日日嚴敬其身敬行六德以信治政事則可以為諸侯

案曰鄭云三德六德皆亂而敬以下之文者三德六德皆臣事亂而敬以下皆正直及剛克文言傳云坤至柔而動也剛初三五動即生陽故動剛地道無成而代有終惟剛乃有功容悅順從非正故乾二升坤五坤五降乾二坎離變成既濟若兼九德則天子之事寬者君德列九德首故鄭不以為臣德洪範亦退居三德末也馬云浚大也者說文卷十一上水

部云浚杼也又澀澀竝浚也澆浚乾漬米也孟子澆漸而行然則浚乃以水灑物澄汰垢濁存其精也精且深必大故馬云大也又云亮信也者說文卷三上言部云諒信也無亮字卷八上人部云倜彊也疑倜與諒通而譌爲亮說詳無逸采事也者釋話文

翕受敷施九德咸事俊乂在官百僚師師百工惟時

釋文曰僚本又作寮

鄭曰才德過千人爲俊百人爲乂

尙書疏○案曰馬王同釋文作馬

傳曰翕

合也能合受三六之德而用之以布施政教使九德之人皆用事謂天子如此則俊德能治之士竝在官僚工皆官也師師相師法百官皆是言政無非

案曰鄭云才德過千人爲俊者說文卷八上人部義也史記

賈生傳索隱引尹文子同百人爲父未詳也傳云師師相師
法者微子師師傳同彼見黨惡此美同德也桓寬鹽鐵論卷
二刺復篇云治大者不可煩煩則亂治小者不可怠怠則廢
其政恢卓可爲卿相其政察察可爲匹夫維綱不張禮義不
行公卿之憂也案上之文期會之事丞史之任也尚書曰俊
乂在官百僚師師百工惟時庶尹允諧言官得其人人任其
事故官治而不亂事起而不廢士守其職大夫理其位公卿
總要執凡是也

撫于五辰庶績其凝

鄭曰凝成也

尚書疏

馬曰凝定也

釋文

傳曰言百官皆撫順五行

之時舉功皆成疏曰五行之時卽四時禮運播五行于四時

土寄王四季故爲五行之時

案曰鄭云凝成也者中庸至道不凝焉注云凝猶成也是也

無教逸欲有邦兢兢業業一日二日萬幾

案曰汗簡卷中之云隸古文尙書兢兢

馬曰一日二日猶日日也

尙書疏

傳曰不爲逸豫貪欲之教是

有國者之常

案曰馬云云者但言一日二日有萬幾嫌似不見日日有萬

幾故通其義也

無曠庶官天工人其代之

王曰天不自下治之故人代天居之不可不得其人也

尙書疏

傳曰曠空也

案曰王云云者周頌臣工毛傳云工官也天亦有官故言不

下治人代居也

天敘有典勅我五典五惇哉

釋文曰有典馬本作五典

傳曰天次敘人之常情各有分義當勅正我五常之教使合于五厚厚天下疏曰五典父義母慈兄友弟恭子孝是也

案曰傳以勅爲正者易噬嗑象曰先王以明罰勅法釋文勅恥力反字林作勅鄭云勅猶理也一云整也古或借作飭或作飾漢藝文志引易云明罰飭法史記五帝紀云信飭百官徐廣曰飭古勅字高誘呂覽注云飾讀爲勅勅正也是勅有正訓也此字古本作敕說文卷三下支部云敕誡也雷地曰敕从支束聲此經及下文敕天之命康誥云惟民其敕懋和多士云敕殷命終于帝又告敕于帝并易噬嗑象詞本皆作

敕毛詩小雅楚茨既匡既敕箋云祝釋假辭以敕孝孫蓋古者敎戒之辭亦曰敕漢陳咸傳言公移敕書而孫寶告督郵何竝遣武吏俱載其文爲敕曰韋賢內吉趙廣漢韓延壽王尊朱博龔遂傳言敕者十數後漢書始變爲勅又韓勅孔廟禮器碑勅字叔節鹵嶽華山碑云京兆尹勅監都水掾霸陵杜遷市石沛相楊統碑云孝以勅內仙人唐公房碑云勅尉部吏收公房妻子皆作勅而諸經敕亦作勅說文卷十三下力部云勅勞也从力來聲洛代切張參五經文字云敕古勅字今相承皆作勅周禮樂師詔來瞽皋舞注云來勅也勅爾瞽率爾眾工蓋勅音資與敕字音義迥別也

天秩有禮自我五禮有庸哉

釋文曰有庸馬本作五庸

王光祿尚書後案